

EUSKAL AUTONOMIA ERKIDEGOKO ERAKUNDE ORDAINZAILEAK IRUZURRAREN

AURKA BORROKATZEKO DUEN KONPROMISOAREN ADIERAZPENA

Euskal Autonomia Erkideko Erakunde Ordaintzaileak iruzurraren aurrean zero tolerantzia politikarekin jarraitzen du; eta, horregatik, beren lehentasunetako bat izaten jarraitzen du, bere eskumenen esparruan, iruzurraren aurkako politika sendotzen jarraitzea bere eginkizunak betetzean. Adierazpen honen bidez, Erakunde Ordaintzaileak adierazi nahi du konpromisoa hartzen duela arau juridiko, etiko eta moralak betetzeko estandar gorenekin, eta integritate, objetibotasun eta zintzotasun printzipioei atxikitzen zaiela. Horrela, harekin harremana duten eragile guztiek eta herritarrek iruzurraren eta edozein eratako ustelkeriaren aurkakotzat har dezakete haren jarduera.

Erakunde Ordaintzaileak iruzurraren aurkako borrokan hartzen dituen erantzukizunen artean honakoak daude:

- Iruzurraren aurka borrokatzeko politika eraginkorra eta iruzurraren aurka erantzuteko plana ezartzea.
- Langileak iruzurrarekin lotutako gaiez jabetzen direla ziurtatzea, bai eta horri buruzko prestakuntza jasotzen dutela ere.
- Erakunde ordaintzaileak iruzur-kasuak jakinarazteko prozedurak dituela bermatzea.
- Iruzur-kasuak gertatzen direnean, ikerketak erakunde eskudunei bidaltzen zaizkiela ziurtatzea.

Era berean, honako erantzukizun hauek esleitzen zaizkie laguntzak kudeatzeko unitateei:

- Beren erantzukizunaren esparruan barne-kontrolerako sistema eraginkorra dagoela ziurtatzea.
- Iruzurra saihestea eta detektatzea.
- Iruzurraren susmoa izanez gero, behar den arreta egiten dela eta kautelazko neurriak hartzen direla ziurtatzea.
- Neurri zuzentzaileak hartzea, administrazio-zehapenak barne, hala badagokio.

Hartutako konpromisoari erantzuteko, Erakunde Ordaintzaileak iruzurraren aurkako neurri proportzionatuak jarri behar ditu abian, kudeatzen duen laguntza-lerro bakoitzeko arriskuaren ebaluazioan oinarrituta, Europako Batzordeak EGESIF 14-0021-00 dokumentuan (“Iruzur-arriskuaren ebaluazioa eta iruzurraren aurkako neurri eraginkorrak eta proportzionatuak”) proposatutako tresna erreferentziatzat hartuta.

Halaber, Batzordeak iruzurren aurka hartutako konpromisoak adierazten duenez, Europako Funtsen kudeaketan esku hartzen duten eragile guztiek (besteak beste, laguntzen onuradunek) iruzurraren aurrean zero tolerantzia izateko konpromisoa hartu behar dute; eta salaketa-postontzi bat jarri da esku-hartzaileen eta herritarren eskura, erakunde



ordaintzaileari antzeman daitezkeen irregulartasun edo iruzur-asmoen beri emateko. Horrela, Europako FEAGA eta FEADER (gaztelerazko sigletan) funtsekin zerikusia duten programak gauzatzean iruzurra egon daitekeela susmatzen duen edonork salaketa aurkeztu ahal izango du Iruzuraren aurka Borrokatzeko Europako Bulegoan (OLAF gaztelerazko sigletan) ez ezik, Erakunde Ordaintzailean bertan ere; eta, nolahi ere, informazioa konfidentzialtasun osoz eta gai hori arautzen duten arauen arabera tratatzen dela bermatuko da.

Era berean, Erakunde Ordaintzaileak, bere zerbitzura dauden langilek dauden langileak iruzurraren aurkako borrokarekin konprometituta daudela bermatzeko, Interes Gatazkarik ezaren Adierazpena ezarri du. Adierazpen horren bidez, FEAGA eta FEADER funtsetatik datozen laguntzei lotutako eragileen inplikazio osoa erakutsi nahi da. Bestalde, Erakundeak egokitasun-ebaluazioa ere ezarri du organismoari lotutako zerbitzuetan eta bere taldeari iruzur-kasuak ekiditen eta detektatzen laguntzeko behar duen prestakuntza emateko hitzeman du.

Ondorioz, adierazpen honen bidez, Euskal Autonomia Erkidegoko Erakunde Ordaintzaileak adierazi eta jasota utzi nahi du iruzurrezko edozein ekintza erabat arbuiatzen duela eta konpromisoa hartzen duela bere eskumenen esparruan edozein delitu-egintza jazartzeko; eta iruzurraren aurkako borroka sustatzen jarraitzeko prest dagoela, baliabide publikoen kudeaketan eraginkortasuna bultzatzeko.

Vitoria-Gasteiz, 2024ko ekainaren 13a

Jorge Garbisu Buesa

Erakunde Ordaintzaileko Zuzendaria.

Director del Organismo Pagador